

# PROGRAMA ERASMUS +

## BASES DA CONVOCATORIA PARA A SELECCIÓN DE ESTUDANTES PARA A SÚA PARTICIPACIÓN DENTRO DO PROGRAMA ERASMUS+ NO CURSO 2025/26.

### **Primeira. Obxecto e prazo das solicitudes.**

Convócase o proceso selectivo para asignar as bolsas dentro do Programa Erasmus+ destinadas a estudantes dos ciclos formativos de grao superior, grao medio e FP básica, para realizar a Formación en Centros de Traballo (Prácticas en empresa) no estranxeiro no período de marzo a xuño de 2026. Do mesmo xeito, tamén se convoca o proceso selectivo para asignar as bolsas destinadas ao profesorado que desexe participar nunha mobilidade destinada á formación ou á docencia.

O número estimado de bolsas para o curso 2025/2026 é o seguinte:

|                                   | Alumnado | Profesorado |
|-----------------------------------|----------|-------------|
| Ciclos Superiores (KA131)         | 8        | 5           |
| Ciclos Medios e FP Básica (KA121) | 6-8      | 6-8         |

De non haber máis demanda que oferta de prazas no centro educativo, estas poderán ser ofertadas tamén a estudantes recentemente titulados. Isto decidirse na reunión de departamento de Calidade no que están presentes todas as familias profesionais.

A duración da mobilidade será variable en función da súa tipoloxía.

**O prazo para entregar as solicitudes, tanto para profesorado como alumnado, remata o día 19 de setembro de 2025** (incluído).

## **Segunda. Requisitos dos participantes.**

### No caso do alumnado:

1. Ser maior de idade (>18 anos)
2. Estar matriculado no CIFP Porta da Auga.
3. Estar cursando algún ciclo superior, medio ou de FP Básica e ter previsto realizar as prácticas en empresa no período:
  - De marzo a xuño do 2026
4. Cumprir cos criterios de selección.
5. Aprobar a parte impartida no centro dos módulos do curso correspondente.
6. Non ter módulos pendentes
7. Non terse incoado no presente curso expediente corrector por condutas contrarias á convivencia.

No caso de existir bolsas suficientes, tamén poderán ser beneficiarios das mesmas aqueles estudantes recentemente titulados (nos seguintes 12 meses inmediatamente posteriores á súa titulación).

### No caso do profesorado:

1. Ser docente no CIFP Porta da Auga con destino definitivo ou persoal interino. A efectos de antigüidade no corpo, de cara ao baremo, só computará aquela correspondente á acadada no CIFP Porta da Auga.
2. Quedarán excluídas as solicitudes que se realicen estando en situación de baixa laboral. Tanto no momento da solicitude como no da realización da mobilidade.

## **Terceira. Contía das bolsas.**

A contía destinada a financiar os gastos da mobilidade será unha cantidade fixa calculada sobre a base de importes establecidos polo Servizo Español para a Internacionalización da Educación (SEPIE). Esta axuda correrá cos gastos de manutención, viaxes, aloxamento, empresa intermediaria (se fose preciso), seguros e demais gastos.

É posible que o estudante ou o profesorado teña que adiantar parte desta contía.

#### **Cuarta. Sesións informativas.**

A coordinación de programas internacionais organizará sesións informativas no salón de actos do centro en horario lectivo en colaboración coas titorías de cada ciclo para informar dos diferentes aspectos relacionados coa solicitude e participación no Programa Erasmus+.

#### **Quinta. Reunión con todos os interesados e recollida de datos.**

*Unha vez celebradas as reunións informativas previstas para o 12 de setembro e recollidos os datos das persoas interesadas durante o prazo aberto para presentar as solicitudes (ata o 19 de setembro), establécese **o vindeiro venres 26 de setembro de 2025 como data de publicación da resolución provisional**, tras a cal abrirase un período de reclamacións e renuncias antes da publicación da **listaxe definitiva, prevista para o 3 de outubro**.*

*A publicación das listaxes do proceso de selección, así como as comunicacións procedentes, realizaranse a través da web do centro, taboleiro do CIFP e tamén nas redes sociais e Abalar.*

*A última fase corresponde á asignación de prazas, en función da dispoñibilidade de empresas e das puntuacións acadadas polos solicitantes.*

A realización da mobilidade e o destino final sempre estará condicionado á existencia de empresas axeitadas ao perfil profesional e académico.

#### **Sexta. Criterios de selección.**

Para a [selección dos participantes nas mobilidades de alumnado](#) establécense os seguintes criterios coa **puntuación máxima de 12 puntos**:

- 1) Expediente académico do curso académico anterior **4 puntos**.
  - Nota media entre 5 e 6,9 puntos - 2 puntos
  - Nota media entre 7 e 8,9 puntos - 3 puntos
  - Nota media entre 9 e 10 puntos - 4 puntos

## 2) Nivel de idiomas **4 puntos**.

Ata 1,5 puntos: Valoraranse os coñecementos de inglés (como lingua habitual no entorno europeo), mediante achega da certificación correspondente segundo se indica a continuación:

- Certificación de nivel dalgún dos organismos acreditados cun nivel A2- 0,5 puntos.
- Certificación de nivel dalgún dos organismos acreditados cun nivel B1- 0,75 punto.
- Certificación de nivel dalgún dos organismos acreditados cun nivel B2- 1 puntos.
- Certificación de nivel dalgún dos organismos acreditados cun nivel C1 ou superior- 1,5 puntos

Valoraranse do mesmo xeito anterior os coñecementos do idioma nativo do país de destino, mediante achega da certificación correspondente que o acredite.

Ata 2,5 puntos: Probas específicas realizadas no centro.

O alumnado solicitante realizará unha proba de coñecemento de inglés (comprensión oral e escrita e expresión oral e escrita) coa docente responsable da Xefatura de Departamento de Idiomas do CIFP, que acreditará o nivel de idioma Inglés acadado por cada participante.

## 3) Grado de madurez e motivación **4 puntos**.

O/a titor/a correspondente, elaborará un informe de cada candidato/a en colaboración con todos os docentes do alumno/a. De considerarse oportuno consultarase tamén ao departamento de orientación. Neste informe valorarase:

- Grao de madurez e autonomía (evidencias de ambas no día a día na aula).
- Nivel de responsabilidade.
- Motivación de cara á realización das prácticas no estranxeiro.
- Capacidade de iniciativa e participación activa (participación na dinámica de aula).
- Capacidade de organización, de relación e de traballo en equipo (actitudes demostradas nos traballos grupais na aula se fora o caso).
- Corrección na comunicación verbal e non verbal, e comportamento axeitado á situación.
- No caso do alumnado de distancia valoraranse as comunicacións efectuadas, asistencia ás titorías, motivación e interese.

***Será necesario obter unha valoración positiva de polo menos 2 puntos na media destes criterios para poder ser seleccionado/a.***

No caso das [mobilidades de persoal](#), as puntuacións serán as seguintes:

| <b>Antigüidade</b><br>No CIFP Porta da Auga<br>(Máx 5 puntos) | <b>Competencias Lingüísticas</b><br>(Máx 5 puntos)       | <b>Impacto da formación no centro</b>   | <b>Criterios organizativos de centro</b>  | <b>Outros</b>  |
|---|--|---|---|--|
| - Destino definitivo anterior a 2020-21.....5p                | Certificación de competencias lingüísticas:<br>C1.....5p | Valoración da Comisión de Programas Internacionais da idoneidade do profesorado participante para aplicar no centro a formación recibida. | Valoración da Comisión de Programas Internacionais sobre a idoneidade da mobilidade en función das datas e outros aspectos organizativos de centro. | Participación en mobilidades no centro con anterioridade:  |
| - Destino definitivo entre o curso 2020/21 a actual.....4p    | B2.....4p<br>B1.....3p                                   | Estudo de propostas do impacto da formación ser o caso.   |   | Nunca.....2p<br>1 Mobilidade.....1p<br>>1 Mobilidade....0p |
| - Persoal sen destino definitivo.....3p                       | A2.....2p  |   |   | No caso de empate:<br>Farase por sorteo.                   |

**Valoración máxima de 12 puntos, mais o visto bo da Comisión de Programas Internacionais no relativo aos outros apartados.**

 **Sétima: Adxudicación das prazas e publicación.**

Unha vez realizado o baremo das persoas participantes de acordo cos criterios de valoración aprobados, publicarase unha listaxe de persoas seleccionadas e unha listaxe de reserva para cubrir eventuais renuncias.

### **Oitava. Obrigas dos alumnos/as o seleccionados/as.**

O alumnado seleccionado para una mobilidade está obrigado no prazo de 7 días trala finalización e publicación do proceso de selección a entregar a seguinte documentación (poden ser escaneados e enviados por email ou entregados a través da aula virtual do centro):

- Documento compromiso de participación no programa asinado.
- Foto carné.
- Fotocopia DNI.
- Curriculum Europass (en inglés)
- Certificación bancaria.
- Seguro obrigatorio de Responsabilidade Civil de accidentes e sanitario (poderá ser xestionado polo centro pero deberá dar o seu consentimento por escrito no acordo de compromiso).

O alumnado seleccionado estará obrigado a enviar na data fixada os documentos anteriores así como a participar nas reunións nas que sexa convocado pola coordinación de proxectos internacionais.

Se o alumno/a decide retornar sen causa xustificada antes da finalización da mobilidade, deberá consignar a parte proporcional da beca recibida e será cualificado NON APTO na parte correspondente á formación dos diferentes módulos realizada en empresa.

### **Novena. Aloxamento e viaxe.**

Os billetes de viaxe, especialmente de avión, deberán obterse tan pronto se teñan as datas de ida e volta da mobilidade.

O aloxamento dependerá de se se fai uso ou non dun intermediario.

### **Décima. Normativa aplicable.**

A normativa aplicable será toda a que regula o proxecto Erasmus e os convenios de subvención asinado entre o centro e a Axencia Nacional SEPIE.

---

*Asdo: Óscar Chao Penabad  
Vicedirector*

*En Ribadeo, a 9 de setembro de 2025*